



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 32. Dux Austriæ Cæsari reconciliatus.

[urn:nbn:de:hbz:466:1-66272](https://nbn-resolving.org/urn:nbn:de:hbz:466:1-66272)

Sæcul. XV. necnon Alberto Episcopo Ratisbonensi
A.C. 1415. provincia hæc demandata est.

§. XXXI.

Tres Cardinales Scaphusia Constantiam reversi.

Sub idem tempus tres Cardinales, qui Joannem Scapusiam secuti erant, nimirum Raynaldus de Brancaciis, Otto Columna, & Cardinalis Tricaricensis Ne-
 pos Pontificis, Constantiam reversi sunt. Eodem quoque die plurimi Officiales Pontificii Papam Friburgum comitati redierunt, Domini sui exauctorationem proximius instare suspicati.

§. XXXII.

Dux Austriae Cæsari reconciliatus.

*Reichental
 ad fol. 20.*

*Nauclev. ge-
 ner. 48.
 p. 440.*

Postera die quinta Maji Nationum Deputati conventum agebant, ob reconciliationem Friderici Ducis Austriae cum Sigismundo Imperatore celeberrimum. Intererant circiter quadraginta Archiepiscopi, atque Episcopi, plurimi Abbates, & Doctores, necnon plusquam viginti Oratores. Postquam Imperator, cujus mandato convocati erant, hujus conventus causam exposuisset, simulque se, quo minus pacem Austriae Duci daret, juramenti religione præpeditum asseruisset,

ruisset, eo quod se nunquam eidem pacem Sæcul. XV.
 vel inducias concessurum jurata fide spo- A.C. 1415.
 pondisset, Deputati Sigismundo respon-
 derunt, non agi de pace ex æquo, seu in-
 ter pares conficienda, sed de venia Va-
 fallo, & captivo petenti concedenda, nul-
 latenus ergo factò tam generoso juramen-
 ti fidem violari. Imperatore horum consi-
 liis acquiescente, illico quatuor nominan-
 tur Prælati, qui Ducem Austriæ adirent,
 illumque in conspectum Cæsaris adduce-
 rent. Ingreditur Fridericus conventum,
 medius inter Ludovicum de Bavaria, &
 Burgravium Norimbergensem, quorum
 alter alterius manum stringebat. Simu-
 lac Sigismundi conspectum subirent, in
 genua procidunt, & Norimbergæ Burgra-
 vius Austriæ Ducis Nepos in hæc verba
 perorat : „ Avunculus meus Fridericus
 „ Austriæ Dux hic præsens me rogavit,
 „ ut Cæsari ob læsæ Majestatis crimen,
 „ Concilio autem ob innumera contra
 „ Clericos ac laicos, Monasteria, Viduas,
 „ atque Orphanos patrata scelera, pro
 „ eo supplicarem, veniamque peterem;
 „ Idem Dux, se suaque omnia, ditiones
 „ & bona potestati, ac clementiæ Cæsa-
 „ reæ Majestatis suæ subjicit, atque tra-
 „ dit, necnon pollicetur, se Joannem
 „ Constantiam reducturum, dummodo
 „ Friderici Ducis honori cautum esset;
 „ rogat etiam, ne altefato huic Pontifici,
 „ suis-

Sæcul. XV., suisque Ministris in eorum personis, aut
 A.C. 1415. „ bonis ulla inferatur violentia. „ Ab-
 soluta hac oratione ipse Dux Austriæ
 propius accedens, ad pedes Cæsaris in
 genua prostratus veniam petiit, cuncta-
 que a Burgravio Norimbergensi Nepote
 suo proposita rata habuit, complicatis
 manibus promittens, se nunquam, neque
 per se, neque per alium quicquam adver-
 sus Cæsaream Majestatem attentaturum.
 Imperator intimo pietatis sensu commo-
 tus, data dextera supplicentem levavit,
 eique petitam gratiam indulisit.

Eodem die post meridiem, Fridericus
 iterato in alia quadam Congregatione
 comparuit, & publice legit instrumen-
 tum, in quo declarat, quod seipsum, ur-
 besque suas, atque arces tam in Suevia,
 Alsatia, Brisgovia, Tirolis, quam alibi si-
 tas in manus Imperatoris tradat, ut is de
 illis pro suo arbitrio disponderet. Deni-
 que spondet, se Joannem suæ Majestatis
 manibus consignaturum, necnon interim,
 donec Imperator omnium ditionum ple-
 nam haberet possessionem, obsidem per-
 mansurum, sique vel in minimo contra-
 venisse argueretur, declarat, omnia sua
 bona ad Imperatorem devolutum iri, ut-
 que promissum firmissimum esset, Norimber-
 gensem Burgravium, & Bavariæ Ducem
 vades constitui. Sub idem tempus Fri-
 dericus omnibus suis Gubernatoribus,
 atque

atque Præfectis præcepit, Sigismundo Sæcul. XV.
 juramentum fidelitatis præstarent; unde A. C. 1415.
 Imperator missis copiis ditiones hujus Ducis in fidem suam recepit. Solos Helvetios sibi obluctantes expertus est, qui bello parta sibi vendicare allaborabant. Ex his tamen Urienses spoliis hujus Ducis pagum suum ampliari nolebant. Nec minori contentione opus erat, ut ea, quæ Fridericus in Tirolis possederat, Imperator sibi subjiceret; Nam Ernestus ab Austria frater ejus natu major a Tirolensibus in auxilium vocatus, adversus Imperatorem Comitatum hunc propugnavit, ejusque Deputatis respondit: redeant, unde venerunt; jam satis divitiarum Sigismundus ex fratris se spoliis corrasit, proin justum est, ut ei saltem aliqua supersint. Cum vero Imperator Synodi negotiis magis occuparetur, nil ultra moliri voluit.

§. XXXIII.

Duo Episcopi cum Burgravio Friburgum ablegati, Pontificem reducturi.

Nullum non movebant lapidem Synodi *Vander*
 Patres, ut Joannem Constantiam re- *Hardt to. 4.*
 dire compellerent. Ablegant ergo Fri- *p. 163.*
 burgum Bisuntinum, & Rigensem Archiepiscopis-